

Mesej Tiga

**Kemenangan Para Pejayeng
yang Dilihat pada Daniel dan Teman-temannya**

Bacaan Bible: Dan. 1—6

- I. Prinsip pemulihan Tuan dilihat pada “Daniel dan teman-temannya” (Hananya, Misael, dan Azarya), yang merupakan para pejayeng yang bersatu dengan Tuhan secara mutlak dalam kemenangan mereka atas muslihat Syaitan—Dan. 2:13, 17; bd. Wahi 17:14; Mat. 22:14:**
- A. Dalam godaan Nebukadnezar yang bersifat iblis terhadap Daniel dan teman-temannya, dia menukar nama asal mereka, yang menunjukkan bahawa mereka kepunyaan Tuhan, kepada nama yang menyatukan mereka dengan berhala—Dan. 1:6-7.
 - B. Nama Daniel, bermakna “Tuhan ialah hakimku”, ditukar kepada Belshazzar, bermakna “putera Bel”, atau “kesukaan Bel”—Yes. 46:1.
 - C. Nama Hananya, bermakna “Yah telah memberi dengan penuh kurnia”, atau “disenangi Yah”, ditukar kepada Sadrakh, bermakna “dicahayai dewa matahari”.
 - D. Nama Misael, bermakna “Siapakah apanya Tuhan?” ditukar kepada Mesakh, bermakna “Siapakah yang seperti dewi Sakh?”
 - E. Nama Azarya, bermakna “Yah telah membantu”, ditukar kepada Abednego, bermakna “hamba setia bagi dewa api Nego”.
- II. Daniel dan teman-temannya menang atas pemakanan bersifat demon—Dan. 1:**
- A. Godaan Nebukadnezar yang bersifat iblis pertama-tamanya adalah untuk menggoda empat orang muda yang bijak daripada keturunan umat pilihan Tuhan yang tertewas, yakni Daniel dan tiga orang temannya, supaya mereka tercemar dengan memakan makanannya yang tidak tahir, makanan yang dipersembahkan kepada berhala.
 - B. Jika Daniel dan teman-temannya makan makanan itu, maka mereka menerima masuk kecemaran, menerima masuk berhala, dengan demikian menjadi satu dengan Syaitan—bd. 1 Kor. 10:19-21.
 - C. Apabila Daniel dan teman-temannya enggan makan makanan Nebukadnezar yang tidak tahir, sebaliknya memilih untuk makan sayur-sayuran (Dan. 1:8-16), dari segi prinsip, mereka telah menolak pohon pengetahuan baik dan jahat (bd. Kej. 3:1-6) serta menerima pohon hayat; ini menjadikan mereka satu dengan Tuhan (bd. 2:9, 16-17).
 - D. Pemulihan Tuan ialah pemulihan makan Yesus demi pembinaan gereja—ay. 9, 16-17; Wahi 2:7, 17; 3:20.
 - E. Kita boleh makan Yesus dengan makan sabda-Nya dan dengan bersikap berhati-hati dalam perhubungan serta berada bersama dengan orang yang menyeru-Nya daripada hati yang murni—Yer. 15:16; 2 Tim. 2:22; 1 Kor. 15:33; Ams. 13:20.
- III. Daniel dan teman-temannya menang atas penyelubungan bersifat iblis yang menghalang orang daripada melihat patung manusia besar dan batu penghancur yang merupakan sejarah divin dalam sejarah manusia—Dan. 2:**
- A. Kristus korporat sebagai batu dan gunung, iaitu Pengantin Lelaki bersama dengan pengantin perempuan-Nya, yakni manusia kepunyaan Tuhan yang korporat yang mempunyai nafas Tuhan, akan menghancurkan dan membunuh Antikristus serta tenteranya dengan nafas, pedang, daripada mulut-Nya—ay. 34-35, 44-45; 2 Tes. 2:8; Wahi 19:11-21; Kej. 11:4-9; bd. Yes. 33:22.
 - B. Kristus, sebagai batu hidup yang berharga, batu asas, batu penjuru, dan batu puncak dalam pembinaan Tuhan, menginfusi kita dengan diri-Nya yang merupakan kemestikaan untuk mentransform kita menjadi batu-batu hidup yang berharga demi pembinaan-Nya—1 Ptr. 2:4-8; Yes. 28:16; Za. 3:9; 4:7, 9-10.

- IV. Daniel dan teman-temannya menang atas godaan menyembah berhala—Dan. 3; bd. Mat. 4:9-10:**
- A. Apa-apa sahaja yang bukan Tuhan yang benar dalam roh kita yang dilahirkan ialah berhala yang menggantikan Tuhan; apa-apa sahaja yang bukan dalam roh atau kepunyaan roh ialah berhala—1 Yoh. 5:21.
 - B. Musuh Tubuh ialah diri yang menggantikan Tuhan dengan kepentingan diri, perjunjungan diri, kemuliaan diri, kecantikan diri, dan kekuatan diri; dalam Tubuh dan untuk Tubuh, kita menyangkal diri dan tidak memberitakan diri kita tetapi memberitakan Kristus Yesus sebagai Tuan—Mat. 16:24; 2 Kor. 4:5.
 - C. Teman-teman Daniel mempunyai roh kemartiran yang sebenar; mereka berdiri bagi Tuan yang merupakan Tuhan yang unik dan berdiri menentang penyembahan berhala dengan mempertaruhkan nyawa mereka; mereka dicampakkan ke dalam relau api yang marak atas perintah Nebukadnezar—Dan. 3:19-23.
 - D. Ketika Nebukadnezar melihat ke dalam relau api, dia nampak empat orang sedang berjalan di tengah-tengah api (ay. 24-25); yang keempat itu ialah Kristus yang unggul sebagai Anak Manusia, yang datang menyertai tiga pejayeng-Nya yang menderita dan tertindas, serta menjadikan api itu suatu tempat yang menyenangkan untuk berjalan-jalan.
 - E. Ketiga-tiga pejayeng itu tidak perlu meminta Tuhan menyelamatkan mereka daripada relau api (bd. ay. 17); Kristus sebagai Anak Manusia—Dia yang layak dan berupaya bersimpati terhadap umat Tuhan dalam segala hal (Ibr. 4:15-16)—datang menjadi Teman mereka dan menjaga mereka dalam penderitaan mereka; melalui hadirat-Nya, Dia menjadikan tempat penderitaan mereka itu satu sekitar yang menyenangkan.
- V. Daniel dan teman-temannya menang atas penutup yang menghalang orang daripada melihat pemerintahan syurgawi oleh Tuhan semesta langit—Dan. 4:**
- A. Sebagai orang yang dipilih Tuhan agar menjadi umat-Nya untuk Kristus menduduki tempat pertama, kita berada di bawah pemerintahan syurgawi Tuhan dengan tujuan untuk membolehkan Kristus menduduki tempat pertama—ay. 18, 23-26, 30-32; Roma 8:28-29; Kol. 1:18b; 2 Kor. 10:13, 18; Yer. 9:23-24.
 - B. “Dia berupaya merendahkan orang yang bergerak-hidup dalam kesombongan”—Dan. 4:37b.
- VI. Daniel dan teman-temannya menang atas kejahilan akibat nisyon di hadapan Tuhan dan penghinaan terhadap kekudusan-Nya—bab 5:**
- A. Belsyazar mengambil wadah-wadah yang digunakan untuk menyembah Tuhan di dalam bait kudus-Nya di Yerusalem dan menggunakannya untuk menyembah berhala; ini merupakan suatu penghinaan terhadap kekudusan Tuhan (ay. 4); dia sepatutnya mengambil iktibar daripada pengalaman Nebukadnezar (4:18-37); namun dia tidak mengambil iktibar itu, maka akhirnya dia menderita (5:18, 20, 24-31).
 - B. “Roh yang unggul dan pengetahuan dan kefahaman dalaman, dan pentafsiran mimpi, pernyataan teka-teki, dan penyelesaian masalah [lit., simpul] ada pada Daniel ini”—ay. 12a.
 - C. “Tuanku...Belsyazar, tidak merendahkan hati tuanku, sungguhpun tuanku mengetahui semua ini; sebaliknya tuanku menjunjung diri menentang Tuan semesta langit, dan orang telah membawa wadah-wadah rumah-Nya ke hadapan tuanku, dan tuanku dan pembesar, isteri, dan gundik tuanku telah minum wain daripadanya; tuanku telah memuji tuhan-tuhan yang diperbuat daripada perak, emas, tembaga, besi, kayu, dan batu, yang tidak dapat melihat atau mendengar atau mengerti. Tetapi Tuhan yang memegang nafas tuanku di tangan-Nya dan yang memiliki segala jalan tuanku itu tidak tuanku hormati”—ay. 22-23, bd. ay. 20.
- VII. Daniel dan teman-temannya menang atas kelicikan yang menghalang pejayeng yang setia dalam penyembahan Tuhan—bab 6:**

- A. Pusat Daniel 6 ialah doa manusia untuk melaksanakan ekonomi Tuhan; Daniel bergantung pada doa untuk melakukan apa yang tidak dapat dilakukan manusia dan untuk memahami apa yang tidak dapat difahami manusia; tidak ada jalan yang lain untuk membawa ekonomi Tuhan ke dalam kepenuhan dan penggenapan melainkan doa; inilah rahsia dalaman bagi bab ini.
- B. Daniel berdoa tiga kali sehari dengan jendelanya terbuka ke arah Yerusalem; menerusi doanya yang penuh kurnia, Tuhan membawa Israel kembali ke tanah bapa leluhur mereka (ay. 10; bd. 1 Raj. 19:12, 18); Tuhan akan memakbulkan doa kita apabila doa kita ditujukan kepada Kristus (ditamsilkan oleh Tanah Kudus), kingdom Tuhan (ditamsilkan oleh kota kudus), dan rumah Tuhan (ditamsilkan oleh bait kudus) yang merupakan matlamat dalam ekonomi abadi Tuhan—8:48-49.